

primetur, in quo viri aliquot tantis vigiliis, impensis, fortunisque sunt versati. Num vero ideo Germania sui negligentior, quod fovet mediæ aevi veritates, ad quas alii populi titubant exhorrentque? Necquicquam. Principio enim habet patria nostra rempublicam eandem per annos octingentos. Alia autem regna, superius commemorata, formulae suae passa sunt metamorphosin. Quapropter historia mediæ aevi patriæ nostræ dissidia componit ac tollit, quae potius in exteris rebuspublicis illa excitat disseminatque. Deinde cum in aliis regnis studia infimæ plebis summam quandoque rerum trahant, ibi exosissima periculique plenissima sunt nomina plebicularum. Contra Germaniam praepotentes dominantur ordines, qui specie inanium non aguntur, neque, instar volubilis & praecipitis plebeculae, induci possunt ad turbas & rerum confusiones. Praeterea licet Icti Germani non parva auctoritas sit, ubi causas respondet hominum priuatorum: huic tamen locus nullus est in tractatione iuris publici argumentorum. Ut adeo historici & iureconfulti opiniones testimoniaque publicae causae neque praeiudicium faciant